

Na osnovu člana 56. Zakona o organizaciji organa uprave Federacije Bosne i Hercegovine („Službene novine Federacije BiH“, broj 35/05), člana 30. stav 1. i člana 37. Zakona o izvršavanju Budžeta Federacije Bosne i Hercegovine za 2021. godinu („Službene novine Federacije BiH“, broj 4/21), i Odluke Vlade Federacije BiH o usvajanju programa utroška sredstava sa kriterijima raspodjele sredstava „Tekući transferi neprofitnim organizacijama - Transfer za sufinansiranje izgradnje spomen obilježja, uređenje mezarja i grobalja“, utvrđenog Budžetom Federacije Bosne i Hercegovine za 2021. godinu, Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida invalida domovinskog rata, (Službene novine Federacije BiH“, broj 29/21), federalni ministar za pitanja boraca i invalida odbrambeno-oslobodilačkog rata objavljuje:

JAVNI POZIV
za podnošenje zahtjeva za sufinansiranje izgradnje, sanacije, dogradnje i
uređenja spomen obilježja, mezarja i grobalja u 2021. godini

I

Predmet Javnog poziva je sufinansiranje izgradnje, sanacije, dogradnje i uređenja spomen obilježja, mezarja i grobalja, u ukupnom iznosu od 40.000,00 KM.

II

Zahtjev za sufinansiranje programa/projekta mogu podnijeti samo pravna lica i to: udruženja koja okupljaju boračku populaciju, institucije i vjerske zajednice sa razrađenim programima usmjerenim na realizaciju ciljeva proizišlih iz namjene ovih sredstava.

III

Pravo učešća po ovom Javnom pozivu nemaju podnosioci zahtjeva iz tačke II ovog Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

IV

Zahtjev je potrebno obrazložiti, u smislu razloga podrške projekta/programa (opštem, društvenom, finansijskom i sl.).

Sredstva će se dodijeljivati na osnovu Javnog poziva, jednokratno, a koji će biti objavljen u dnevnim novinama visokog tiraža i na web stranici Ministarstva (www.fmbi.gov.ba).

Javni poziv traje 15 dana od dana objavljivanja u dnevnim novinama.

V

Raspodjela novčanih sredstava iz tačke I ovog Javnog poziva vršit će se u skladu sa općim i posebnim kriterijima.

VI

Opći kriteriji za odobrenje sredstava za sufinansiranje izgradnje, sanacije, dogradnje i uređenja spomen obilježja, mezarja i grobalja su:

- istorijski značaj projekta/programa za širu društvenu zajednicu državnog, federalnog, kantonalnog ili općinskog nivoa;
- kvalitet projekta/programa;
- vrijednost projekta/programa;
- visina učešća sopstvenih sredstava za aplicirani projekat/program.

Posebni kriteriji za odobrenje sredstava za sufinansiranje izgradnje, sanacije, dogradnje i uređenja spomen obilježja, mezarja i grobalja su:

- projekti/programi koji se realiziraju uz pomoć više sufinansijera;
 - rezultati dosadašnjih realizovanih projekata/programa i njihov značaj za širu društvenu zajednicu.
- Ministarstvo će posebnim aktom utvrditi mjerljive potkriterije iz tačke V Javnog poziva.

VII

Zahtjevi po Javnom pozivu za odabir projekta/programa za sufinansiranje izgradnje, sanacije, dogradnje i uređenja spomen obilježja, mezarja i grobalja u 2021. godini, podnose se Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida domovinskog rata, putem pošte ili lično u zatvorenim kovertama, na adresu:

**Federalno ministarstvo za pitanja boraca
i invalida odbrambeno-oslobodilačkog rata
ul. Hamdije Čemerlića br. 2.,
71000 Sarajevo**

sa naznakom:

**„ Javni poziv za podnošenje zahtjeva za sufinansiranje izgradnje,
sanacije, dogradnje i uređenja spomen obilježja, mezarja i grobalja u 2021. godini “.**

VIII

Aplikacioni formular će biti objavljen na web stranici Ministarstva (www.fmbi.gov.ba), a isti će se moći preuzeti i u prostorijama Pisarnice Ministarstva.

Nepotpuni i neblagovremeni zahtjevi se neće razmatrati.

Ministarstvo nema obavezu vraćanja predate dokumentacije aplikantima.

IX

Uz zahtjev je potrebno dostaviti slijedeću dokumentaciju:

1. Adekvatno popunjen i ovjeren aplikacioni formular;
2. Rješenje o registraciji;
3. Uvjerenje o poreznoj registraciji (identifikacionom broju);
4. Kopija ugovora ili potvrda banke o otvorenom transakcijskom/tekućem računu;
5. Detaljno opisan projekat/program za koji se traži sufinansiranje;
6. Finansijski plan projekta/programa za 2021. godinu, sa očekivanim prihodima i rashodima;
7. Rješenje o odobrenju gradnje (građevinska dozvola);
8. Dinamiku i rok završetka projekta/programa;
9. Potvrdu/Uvjerenje od vjerske ustanove kao dokaz da se projekat/program odnosi na sufinansiranje uređenja mezarja i grobalja.

**Po ovlaštenju Vlade Federacije BiH
POMOĆNIK MINISTRA**
Mirza Terzo



Broj: 01-37/2-1455/21
Sarajevo, 23.04.2021.godine